

etiam facti causa, nostrarum Ecclesiarum Apologiam. Gravi enim hoc præjudicio eæ onerabantur à Romanensibus, ac si omnes omnino Synodos, universa Concilia, quosvis scriptores Ecclesiasticos, vulgo Patres appellatos simpliciter, promiscue ac indifferenter contemnerent & repudierent.

9. Huic ergo suspicioni in ipso statim vestibulo, Confessores nostri ipso facto obviaturi, Decreto Nicenæ Synodi, quoad hunc articulum, firmiter se stare, sunt testati.

10. Neque verò sua hac protestatione, Decreto huic sive symbolo Niceno simpliciter, per se, ac sine scripturarum autoritate, fidem à suis adhiberi Ecclesijs, statuerunt: sed eatenus duntaxat, quantum firmis illis, perspicuis & àutomaticis Prophetarum ac Apostolorum tabulis illud innitatur.

11. Fatentur hoc ipsi, suâ in *Apologia*, de hoc primo Confessionis nostræ capite sic scribentes: Hunc articulum semper docuimus, & defendimus; & sentimus eum habere certa & firma testimonia in scripturis Sanctis, quæ labefactari non queant.

12. Prototypon Confessionis quoad primum hunc articulum, Dei beneficio, mansit sibi simile, neque virgulam censoriam ulla ex parte admisit.